

ДЕКАБРТЬ

10-це шистонза 1940 кизоня

137 (1789)

ПИТНЕЦ 5 тр.



# Комсомолю Вайгяль

ВЛКСМ-нь МОРДОВСКИЙ ОБКОМЪ И САРАНСКИЙНЪ ГОРКОМЪ ГАЗЕТАСНА

ЛИСЕНДИ

8-це КИЗОСЬ

Адресь: г. Саранск,  
Советская ул., Дом печати.

## БОЛЬШЕВИСТСКИЙ АНОКЛАМА КАНИКУЛАТНЕНДИ

Илядсь аф лама пинге, мзярда детво-  
рась — советский школань; ученикне  
туйхть каникулас, штоба нят кемонь  
шитнень пингста ваймаме, прдаме ла-  
ма вийда.

Эрь ученикть инголетяниень пингть  
ащи ответственной задача — кемокстамс  
сатф успешнень и омбоце четверть аде-  
ламс отличнайста и цебарьста. Тя тевсь  
вешн кропотливый работа эрь советс-  
кий школьникть ширде. Штоба получамс  
урока отличнай и цебарь отметкат,  
эряви тейнза добросовестна и честна  
анокламе, содамс материалть сембе де-  
талензон.

Эрь школань дирекцияти, педагоги-  
ческий коллективти, комсомольский ор-  
ганизацияти эряви деятельна кярмо-  
демс каникулатненди анокламань рабо-  
тати тиякиге, аф ученодемс мзярда  
иляды кафта-колма шит, конатнень пинг-  
ста мезевок аф тиеви.

Анокламань йотафнемс внешкольной  
работать эса. Однака, эряви азомс, што  
внешкольной работась лама школава  
катф эсь отям молемати, кой-кона шко-  
лань директорхне и учительхне аф шарф-  
нихть сатомшка мяль коммунистичес-  
кий воспитаниянь тевса тя мощный сред-  
ствать шири. Сяс ня школатнень эса  
дисциплинась лафча. Рузаевкань рай-  
ононь Перхляй велеса неполнай сред-  
ний школаса лафча дисциплинась, йол-  
ма посещаемость и успеваемость, кой-  
кона ученикне таргайхть и ащихть  
школьной дисциплинань нарушителькс.

Атюрьевский средний шко-  
ласа тяфта жа 1-це четвертьста успе-  
ваемость пяк йолма, ильне инь пере-  
довой класса 67 процент успеваемости.  
Кой-кона ученикнень улихть кафтонь-  
колмонь калдяв отметкасна. Школат-  
нень эса тяфтама положениась нетер-  
пимай и не может улемс. Эрь учительть  
обязанностей решительна цебарьгоф-  
томс ученикнень йоткса воспитатель-  
най работать, конань эзда пяк ламось  
зависит тонафнемаса.

Каникулатнень пингста эрявиладямс  
цебарьста итнень йоткса самостоятель-  
ностень работать и серьезнай мяль эря-  
ви шарфтомс школатнень эса оборонно-  
физкультурнай воспитаниянь шири. Ит-  
не должетт улемс виюфт, ловкайхть  
и храбрайхть. Каникулатнень пингста  
школатнень эзда кармайхть йотнема  
оборонно-физкультурнай соревновани-  
ятне и тейст анокламань. Синдейст анок-  
ламань ащи обязанностекс эрь школать  
руководителенцы, комсомольский и  
пионерский организациятненди. Воен-  
най игрань йотафнемась, походсь, лыжа-  
са якамась, идень самостоятельность —  
должетт заняме эрь ученикть пингонц.

Путомс пе сянди, мзярда кой-кона  
учительхне каникулатнень пингста ту-  
шендыхть куду, аф лувондсаз эстейст  
ответственной тевкс итнень йоткса до-  
сугть организовандаманц. И коса ащи  
тевсь тяфта, тоса и калдявста итне  
йотафтсаз каникуласнон.

Аш-сомненият, што школань руково-  
дительхне, пионерский и комсомольский  
организациятне марстонь вийса достой-  
найста васьфтьсаз каникулатнень и ор-  
ганизовандасаз культурнайста итнень  
ваймамаснон каникулатнень пингста.



Волынский областень Ковельский районень велетнень эзга крестьятне  
активнайста аноклайхть трудящай депутатонь местнай Советтненди вы-  
борхненди. Организовандафт Сталинский Конституциять и выборхненди колга  
Положениять тонафнемаса кружокт.

СНИМКАСА: Колодежно велень избирательхне-крестьятне тонафнесазь  
местнай Совету выборхненди колга Положениять.

Кучкаса — агитаторсь-крестьянинц А. И. Филиппук.

Фотось Б. Гинзбергть (Фотось ТАСС-ть)

## РАБОТАСЬ МОЛИ ЦЕБАРЬСТА

Сире Исапрань комсомольский ор-  
ганизациясь кемоста кярмодсь ответс-  
ственной и почетнай задачат пияшкоде-  
маса работати — аф грамотностть и ма-  
лограмотностть машфтоманцы.

Велеса лувондови 125 ломань аф  
грамотнай, конат 100 проценте фатафт  
тонафнемаса. Эрь комсомолецть мельге  
кемокстаф 4—5 аф грамотнай и мало-

грамотнай, занятиятне синь мархтост  
йотафневихть регулярнайста.

Индивидуальной занятияда башка  
организовандафт вечерний школа. Заве-  
дующайкс работай Богомолова ялгась.  
Вечерний школать работай ладяф це-  
барьста.

В. Мескалев.

Инсарский район.

## ПИОНЕРОНЬ КУДСА

Саранск ошень пионеронь кудса пе-  
барьста ладяф художественнай само-  
деятельностень кружокнень работасна.  
Пионеронь кудса систематически вятихть  
работа музыкальной, драматический,  
вокальной, кукольной театрань и балет-  
най кружокне. Ня кружокне эсь рабо-  
тань опытнон вельде максехть оцю

лезке Саранск ошень лия школатненди-  
вок. Вов, например, пионерский кудонь  
активть инициативанц вельде 9-це №  
школаса организовандафт кукольной те-  
атр, конац аноклай мокшень и эзянь  
пьесат. Сембе тя аноклаф работасна  
ули няфтьф тялонь каникулхненди пинг-  
ста.

В. Меськин.

## КЕЛЬГОВИКС УЧИТЕЛЕНЬКЕ

Мамолаевский средний школаса био-  
логиянь преподавателькс работай Гри-  
горий Николаевич Кловов. Сон уче-  
никненди макеси эсь дисциплинац кор-  
яс прочнай знания; уроконза Григо-  
рий Николаевичть йотнихть живойста  
и пяк интереснайста. Декабрь 2-це  
шистонза кафксоце класса, мзярда азон-

дозе «Пищеварение» темать, вскрывали  
келазь. Тянь вельде ученикне яркай-  
ста представляют млекопитаюхайхнен  
ваймонь тарксемаснон, кровообращени-  
ань и пищеварениянь органцнон.

И. Доружкин.

Рыбинский район.

## ОД ИНТЕРНАТ

Аф кунара Ковылкинский железно-  
дорожной 43-це № школаса 24 учени-  
конди панчф интернат. Интернатсь ащи  
фя инь важнейшай средствекс успе-  
ваемость и посещаемость касфтомаса.  
Сят ученикнень, конатнень улихть  
калдяв отметкасна, мархтост интернат-  
са йотафневихть дополнительной заняти-

ят, проверякшневихть кода аноклак-  
шнихть урокненди, кода пияшкотькшне-  
сазь куду максф заданияснон и стак  
тов.

Интернатса установленный порядок,  
полневи стенгазета.

М. Водякова.

## УЧКОМТЬ РАБОТАЦ

Каньгуш велень средний школань  
ученический комитетсь цебарьста ла-  
дызе эсь работанц. Регулярна йотаф-  
невихть заседаний, коса обсуждаются  
успеваемость касфтоманц, посещае-

мость кеподманц и дисциплинаць ке-  
мокстаманц колга кизефкене.

С. Сургаев.

Ельниковский район.

## ЮННАТТНЕНЬ РАБОТАСНА

Мамолаевский средний школаса то-  
нафнема кизоть ушедомстонзакиге био-  
логический кабинетть и живой уголокть  
видеса организовандафт юннатонь 6 кру-  
жокт, коса примоси участия 34 ученик.  
Синь сембе тонафнесазь различнай жи-  
вотнайнь и растениянь эряфть. Юнна-  
тне декабрь самс ётафтсть 46 занятия,  
конатнень эса синь тисть оцю, пяк инте-  
реснай и увлекательнай работа живот-  
найхненди и растениятнень анатомияснон  
тонафнемаса.

Эряви азомс, што биокabinetть ви-  
деса организовандафт живой уголоксь  
обеспечендафт экспонатса юннаттнень эсь  
вийснон вельде. Синь кундасть сеель,  
гулянят, калхт, лягушкат, синць жа  
юннаттне якайхть животнайхненди мель-  
ге, вятихть наблюдения живой уголо-  
конь ботанический отделса растеният-  
нень мельге.

Юннаттне синць уликс эсь книгаснон  
и журналснон эзда организовандафт  
библиотека, тисть синць нагляднай по-  
собият (птицань чучелат, скелетт, на-  
секомыйнь коллекцият и стак тов).

Аф кунара юннаттне кулезь, што  
Кирсанкин охотниксь шавсь келазь.  
Синь молюсь и сязовь келазь трупонц  
и тисть вскрытия, конань вельде синь  
практически няезь келазь сембе орга-  
низмань устройстанц: седненц, лег-  
каензон, сюлонзон и ст. тов. Тянь э-  
да синь получасть практически оцю  
польза.

Юннаттне оцю интерес мархта лез-  
дыхть отстающей ученикненди. Вов  
например, 9-це классонь отличниксь  
Дорожкин Ванясь сембе виень пу-  
тозь лезды эсь ялганзонды и, сяка  
пингть, кандсь лама книгати журналхт,  
гербарият биокabinetть видеса юнна-  
тонь библиотечкав.

Мамолаевский средний школаса  
юнай натуралистический кружокнень  
примерсна эряви сязовс сембе школань  
учащайхненди.

Кловов.

Рыбинский район.

## ЧЛЕТТНЕНЬ ЛУВКССНА КАСЫ

Каньгуш велень средний школаса  
организовандафт СВБ-нь кружок, конан-  
цы руководителыкс ащи Бирюкова О. Г.  
учительница.

СВБ-нь кружоконь члеттнень йоткса  
йотафневихть интереснай темас беседат.  
Шиста-шис кружоконь члеттнень  
Лувкссна касы.

Д. Ефимкин.

Ельниковский р-н.

## ПРИМЕРНАЙ СЛЕСАРЬ

Од Выселкань МТС-са, работай сле-  
сарькс комсомолецсь В. Чикорев ялгась.  
Эряви азомс, што Чикорев ялгась МТС-са  
работай аныек 10 кофт, но трудонь  
производительностень показателенза  
кортайхть настоящей стахановецень  
колга. Сон сембе виень путозь тюри  
бракть каршес, цебарь качествать  
инкса.

Чикорев ялгась систематически пияш-  
коткшнесы выработкань норманц  
150—160 процентс, лувондови цебарь  
общественникокс. Цебарь работанкса  
Октябрьский торжестватнень пингста  
казьф ценнай подаркаса.

Г. Лебурев.

Зубово-Полянский район.



## СВБ-нь организациясь касы

СВБ-нь организациясь Зубово-Полянский средний школаса организовадаф 1940 кизоня. Васень пингета сонь ряд-сонза дувондовсь сембоц несколько ломань. Тяни сонь эсонза дувондови 90-шка.

Школать преподавателенза СВБ-нь четтнень йоткса лувсть лама лекцият и докладт. Тяфта, например, биологич-ный и историйн преподавателхне тип-ендсть СВБ-нь четтнень собранияса докладт: «Наукась и религиясь вселен-найть колга», «Антирелигиознай про-пагандать значениянц колга» и ста-тов.

Чеканов.

Зубово-Полянский район.

—★—

## ЦЕБЯРЬ РАБОТАНКА КАЗЬФТ

Шмидт лемса колхозса ня шитнень эзда ульсь йотафтф колхозниконь соб-рания, коса ванондовсь 1940-це хозяй-ственной кизоть итогонзон колга кизе-фкесь.

Колхозонь председательсь отчетонза меле выступали лама колхозник, конат корхтась колхозницатнень-ударницат-нень цебярь работасон колга.

Вов, например, Д. Н. Чигодайкина колхозницась кизонь работатнень пинг-ста тись 167 трудови. Сон работась пняк честна и добросовестна. Аф сяда калдывста работась Н. Я. Межина колхозницаське, конац тяфтажа вельф пняшкоткшнзе выработкань норманц и тись 168,13 трудови. Цебярь рабо-танкса нят колхозницатнень колхозонь правлениясь казезень.

П. Тултаев.

Синдровский район.

—○—

## ЖУВАТАТНЕ ОБЕСПЕЧЕНДАФТ ЛЯМБЕ ПОМЕЩЕНИЯСА

«18-й партсъезд» колхозса цебярьста ладяф общественнай жуватань водямась. Тя колхозса дувондовихть сембоц 3 фер-мат и сембоц эса помещениятненьди йотафтф отопления. Жувататненьди аноклаф тятонь пингонди сатомшка корма. Жувататнень мельге якайке кемокстафт колхознай лучшай лomatнне.

Кудашкин.

Ст-Синдровский район.

—○—

## \*СПЕКУЛЯЦИЯНКА СУДЕНДАФТ

Паева велеса П. Нарайкинц и Ф. Нарайкинась систематически занима-дакшнесть разнай товаронь спекуляци-яса. 1937-це кизоня П. Нарайкинц спекуляцианкса ульсь судендаф 5 ки-зос и сярдеманц сюнеда 1940-це ки-зоня нолдаф. Ашезь кеperь самс куду, танга ушедсть спекулировандама.

Нят шитнень эзда-ня спекулянтне ульсь танга кундафт (синь мишендсть мануфактура) и Кадошкинский на-роднай судей судендазень 5-нь киза каж-найть тюрьмаса ашема.

Лобанов.

Кадошкинань район.

—○—

## Примамс кеме мерат

К. Маркеть лемса колхозсь сембе хо-зяйственной тefнень эса ускови инь пула песа. Колхозонь председателсь Ямашкинц надийн бригадирхнень ланге, бригадирхне—колхозникнень ланге, а теvesь ащи фкя ваетса. Тянь сюнеда колхозть лама культуранза пладеть тячимс атак тяляк и 100 центнер эендафтеть модамарь.

Тяфтама руководствать ланге воз-мущеннайхть сембе колхозникне, ес мес колхознай трудови безхозяйствен-най отношения сюнеда кирьфневи колхозникнень трудовисон питнеи.

Инсарань райзоти тя теvesь эриви проверямс и примамс решительнай ме-рат безхозяйственникнень каршес.

В. Москалев.

## КОВ ВЯТИ ШКОЛАТНЕНЬ ЭЗДА ОТОРВАННОСТЬ

Ширингушский районоть инспек-торский аппаратонь полный. Сонь улихть школьной инспекторонза, взрослой ло-манень школатнень эса работать ко-ряе инструкторон и ули политпросвет-работать коряе инструкторонка.

Ваномок тянь ланге, мярьголеть, што районца школатнень лангса руковод-ствась этафневи живоиста, оперативнай-ста. Но теvesа, однака, тя лисенди мек-лангт. Ропось тонафнема кизоть васень четвертец пингета ашезь провери фкя-вок школань работа, мярьгат, бта ти-са аш мезе проверяме, аш кинди лез-домс.

Роноть и васендакиге сонь заведую-щайн Рыбин ялгать школатнень эзда полный оторванностени, синь лангсост канцелярско-бюрократический руковод-ствать сюнеда районоть школатнень эзга васень четверть пингета сембе классонь ученикнень абсолютнай ус-певаемостьна ульсь 75,5 процент, а башка старшай (5—10-це) классонь ученикнень успеваемостьна среднй-ста ульсь анычек 46, 65 процент.

Тяфтажа сави азомс, што районоть школатне кирьдихть пняк серьезнай аф

сатыкет учебника и учебно-нагляднай пособияса. Тяс аф сатыхть учебникт родной, русский, немецкий калыхнень, географиять, историять, литератураь и иля дисциплинатнень коряе. Аф пол-най средный и средный школатнень эса ефеи аш оборудованнай кабинетт.

Тя кизоня школатненьди учебниконь и учебнай оборудованния рамаме нол-дафоль 63300 палковай, конатнень эзда использовандаф анычек 26100 палковай.

Тя тятонь уштома сезонти районоть школатненьди и учительхненьди сембоц эриволь анокламс 4.375 кубометра пен-ге. Тячинь шити аноклаф 3.379 ку-бометра, рамаф—2.233 и ускф анычек —973 кубометра. М. Поляна, Будыги-на и Дубасова велень школатне пенг-са обеспеченахть пняк калдывста, ме-зень сюнеда азф школатнень эса ва-сень четверть пингета занятияне аф весть сязьфтельхть.

Пят сембе аф сатыксне этасть омбо-це четвертинге, но синь педа-пес маш-фтомасон нинкса ропось тюри ефеи аф сатомшкаста.

Дм. Роди.

## ЮНКОРХНЕ СЪОРМАДЫХТЬ

«Комсомононь вайгяль» газетать юн-коронза пачфнихть, што республикаса башка колхозне шарфнихть оцю мяль социалистический жуватань водямать шири.

Тултаев юнкорсь сёрмады, што Шмидт лемса колхозса (С. Синдровский райо) цебярьста ладяф колхознай жувататнень мельге якамась. Кепотьксонди сясасяк Е. А. Аюева ялгать, кона дояркакс работай вов ни 10 кизот. Тя пингста Аюева ялгась касфть аф кржа молод-някт и тейнза кемокстафт траксе эрь кизоня максехть оцю удой. Аюева ял-гась пняк кельксы эсь работанц. Сон

тяденге якай и заботай траксенень мель-ге честна и добросовестна.

Но тятонь мархта эриви азомс, што улихть колхозт, коса кода эриви нинге ашесть анокла тятоти. Лесной Сазонов-каста (Ковылкинский район) юнкорсь Савин ялгась сёрмады, што «Красный флот» колхозса жувататнень мельге якамась мольфтеви пняк калдывста. Тя колхозса сембоц фкя ферма и сянге кода эриви ашезь анокла тятоти. Тяс ашесть строя нинге траксенди и вше-нянтненьди картт, а тянь сюнеда молод-няксь ушеткшни сярдема.

## Валста эриви ётамс тевти

Аф кржа Бакайкин ялгась азонч-несь речта пропагандать колга, што калдыв ся комсомолец, конац аф кепсесы эсь идейно-политический сода-ма шинц. Но сонцъ тя тевть колга нинге мезьянок ашезь тий.

Нинге тячеме сонь комсомоленца политобразованиян кодамовок форма-са атак фатякт.


Сонцъ Бакайкин, кода первичнай ор-

ганизациян секретарь, обязался тона-фнеме ВКП(б)-ть историйн самостоя-тельна, но нинге тянимс фалу ащек-шни «Браткай куреть» васенце гла-ванц эса.

Кржа эриви корхнеме, а сяда лам тиемс — Бакайкин ялгай, эта теvesь организациясонт туй наверняка.

Сургаев.

Краснослободский р-н, Потякш веле.



Якстерь Армияса боевой учебась.

СССР-нь Оборонань Народнай Комиссарть Советский Союзонь Маршалть С. К. Тимошенкоть приказонц коряе отличнай боевой подготовканкса Москов-ский военнай округонь 137-це стрелковай дивизиясь награжденнай Якстерь Армиян переходящай якстерь знамяса.

Дивизиять сембе личнай составонцы азф благодарность.

СНИМКАСА: Артиллеристне используют туманть од боецнень мархта огневой подготовкать коряе занятиинди.

(Фото-клишесъ ТАСС-ть) Фотосъ Д. Черновть.

## Италиять и Грециять йоткса 'военнай действияне

Кода пачфнесы Ассошиэйтед Пресс агентствать Афинаста корреспондентон, тоса официална азф, што греческий войскане занязь Аргирокастронть (Ал-баниять юг ширесонза). Оштъ кадом-донза инголе итальянецне крвьастезь военнай материалонь, оружиянь и сна-ряжениянь склаттнень.

Странать центрасонза грекне колма шинь пингонь бойда меле этасть инголи и видептезь эсь фронтонь линияснот.

Фронтть севернай участкасонза, «По-литика» югославский газетать валонзон коряе, положенийсь сембе нинге атак содак. Кафцьке ширетне тюрихть ви-ста, аф ваномок местностень стака ус-ловиятнень ланге. Грекне ёрайхть ли-семс кить ланге, кона моли Шкумба ляйть долинанцы и Эльбасанти. Итал-янецне сембе вийса старандайхть кир-деме эсь позицияснот тя районца.

(ТАСС).

—○—

## Францияса положениясь

Франциять лама населениянц кирдихть оцю лишения. Американский печатть сообщениянзон коряе Вишинь, Лиононь, Марселень эрйхне маятайхть тесна помещенияса. Ярхамс продукатне аф сатнихть. Сахарть васте мишендеви са-харин. Траксвай ефеи аш. Сиволь трудна сатомс, кши пицви пняк калдыв. Ви-шиса нолдаф распоряжения кшитъ кар-точкань коряе мишендеманц колга. Распоряжениять нарушителенца кар-майхть судендакшневоме тюремнай за-ключения.

Кода пачфнесы французский радиосъ, ноябрь 11-це шистонза Парижа ульсь столкновения, конань пингста ранец-дафт 4 лomatть. Ня событиятнень пинг-ста арестовандаф 128 ломань, синь ёткесот 14 студент и средный школань 90 учащай.

(ТАСС).

## МАКСЕМС ГЛУБОКАЙ ЗНАНИЯТ

Зубово-Полянский районоть Анаю ве-лень средный школань подколлективсь и пионерский организациясь калдывста тюрихть отличайста и цебярьста то-нафнемать и дисциплинатъ кемокстаманц нинкса. Васенце четвертьста кой-кона класснень эса успеваемостьн процентсь пняк йолма. 8 «А» класса, коса класснай руководителкь ащи Семенова ялгась, абсолютнай успеваемость 27 процент.

Тя позорнай цифрась корхтай сянь колга, конашкава беспечнайхть кой-ко-на учительхне порученнай тевсон добросовестнайста пняшкodemаса.

Тяка жа школань 6-це «Б» класса успеваемость анычек 40 процент, пнякс мярьгомс класса ученикнень дувкста 15 дувондовихть отстаюшайке.

Школань дирекциясь и марнек под-коллективсь ашезь вишкоте социали-стический соревнованиять ученикнень йоткса, аф вятихть надлежащай конт-роль посещаемостьса. Улихть шит, мзяр-да 4—5 ученик фкя класса поздан-дакшнесазь занятиятненьди.

И. Паршин.

—○—

## УСПЕВАЕМОСТЬ ЦЕБЯРЬ

Васенце васть успеваемость коряе Каньгушский средный школаса занязе 9-це классъ. Тяс посещаемость 99,8 процент, а успеваемость—99,4 про-цент. Ученикне Сабаев Александрь, Сабаев Василийсь и илят тя четверть получать анычек цебярь и отличнай отметкат. Отличнайста тонафнемать нинкса соревнованиясь ученикнень йот-са мольфтеви и сяда товонга.

Кидямкин.

Ельниковский район.

Ответ. редакторсь И. ЧУДАЙКИН.